

## 《麓山文津》序

鲁晓川

《周易》之《贲卦》曰：“刚柔交错，天文也；文明以止，人文也。观乎天文，以察时变；观乎人文，以化成天下。”人文化成，这是中国人对于文化二字之经典诠释。中华人文之河源远流长，越万千年而绵延不绝，长衍长新。正是这人文之河滋养了炎黄子孙，造就了中国人之精神气质。而生于斯长于斯之中国人，总有一种不容推卸之使命感。大约 270 年前，有一位湖南人将这种使命写成一副对联：

是非审之于己，毁誉听之于人，得失安之于数，陟岳麓峰头，朗月清风，太极悠然可会；

君亲恩何以酬，民物命何以立，圣贤道何以传，登赫曦台上，衡云湘水，斯文定有攸归。

酬恩、立命、传道，这就是中国传统文化人之使命担当。写此对联之人，是乾隆二十年（1755）担任长沙岳麓书院山长之旷敏

本先生。

大约 200 年后，湖南人中最杰出之代表毛泽东向全世界宣布：社会主义制度在中国已经基本上建立起来，今后之任务，是将中国建设成为一个强大社会主义国家。时至今日，中国早已成为世界第二大经济体，毛主席当年之理想已经实现。中国人民正在朝着更伟大之目标奋勇前进。在此历史进程中，湖南人、长沙人时时刻刻不忘自身之使命。而作为受湘水滋养、麓山砥砺之文化工作者，更牢记着使命，以生花之笔、赤诚之心，记录这个时代，表达人民心声。呈现于您眼前之集子就是一个见证。该集收录了胡文质、虞逸夫、何泽翰、史鹏、何光年、王俨思、刘瑞清、刘克醇、陶先淮、余德泉、熊治祁、蒋正清、傅小松、郑铁峰、曹琴、周永红、向彬、黄波、鲁晓川、朱继忠等 20 位作者之部分作品，相较于作者们全部作品而言，必有轻重取舍以至于沧海遗珠之失，相较于

数量庞大之文化工作者而言，则更芥乎其小也。但从所收录作者之时间跨度看，此集作者有出生于上个世纪一二十年代、现在已经故去之老一辈艺术家，也有目前仍笔耕不辍、孜孜以求之当前文化界中流砥柱，更有出生于上世纪七八十年代、正扬帆破浪之后秀新荣。然则于此集中可窥见湘江新区、长沙市甚至湖南省近百年来传统文学创作薪火相传之一斑，其意义固未为小也。

从内容来看，此集也可谓丰富多彩，颇具启发意义——欲学诗者有其品，欲学词者有其铨，欲赋文者有其标，欲对联者有其律。展卷品读，不难感受其妙思翻飞，灵犀幻出。长歌短咏之间，真可让读者遇之于默会意象之表，而理与事无不灿然于前者也！而欲探上述诸体创作之道者，更可就其论文细索之，必当叹其涉猎之广博，探理之精微，摘藻之高妙，实有不可不传之价值在焉。然则，文集所名而谓之文津者，非溢美自炫，亦确有其所本者也。

行文至此，忽然忆及40多年前一真实故事，那是1979年中美建交后，中国文化代表团赴美考察交流。一位代表谈自己参观

纽约世贸大厦感受时言道，当我仰视此世界最高建筑时，头上帽子坠落于地，而我眼中泪水也随之淌落，想我中华怎么就建不出如此高楼。另一位代表则说，我不哭，只因我心中装着三千首唐诗——此唯我中华有之！四十几年后之今天，我们不但有能力建设更高之大楼，且已建成“天宫”，让中国宇航员在“太空家园”胜利会师。作为新时代中国人，我们如此豪迈；作为文学工作者，我们更有责任将中国人新时代之豪迈写出来、展现好、传播开。来吧，让我们走进“文津”，回望曾经，守住初心；让我们通过“文津”，展望未来，追梦前行！



《麓山文津》 长沙市岳麓区诗词楹联协会 编著  
天津古籍出版社 2024年版

# 诗社撷英

## 未社诗词选

未社，网络诗社。网络诗友相约申未济之义，允执学无止境之教以立社。创立于2022年10月，现社员55人，以词为主而不废诗，并于2024年10月依托“未社”公众号成功举办首届“未社杯”词赛。

杜 翔

### 木兰花慢·皇城相府

占北留形胜，肇古境、榜文渊。步邃阙风尖，洞廊水冷，重掩精轩。高牙野晴扶起，女墙低、暗惹鼓鞞圆。想瞰苍黄烽举，当堂青紫闲安。

横阑。倚尽春烟、悬碧绿，倒空关。笑眇视乾坤，参差陈迹，是处江川。铜铺蜜醪新贩。指危楼风月号河山。装点神仙秦汉。苍云吹幻衣冠。

### 祝英台近·暮春游玩归来十日后作

客飘零，春破碎，百舌却繁语。花落愁归，花开愁始去。才惯古道轻车，十方游冶，最得意、丽人边去。

又无语，无那天与风流，风流甚自许。落日闲门，乱怀惹飞絮。争奈第一销魂，山阳更翠，总难定、寻春伴侣。

刘孟奇

### 舜韶新·九疑山谒舜陵

云老苍梧，嗟象阵耕馀，田荒千岁。社林鷗集，来往灵风小，斜翻旗尾。谁与椒浆奠，薜荔径、愁呼山鬼。漫啼烟吟雨，恐将楚魂惊碎。

风去鸾归，何奏箫韶，龙斗鱼争，那捐环佩。竹书难验，野死南巡路，乌尧知未。飞梦潇湘浦，恍惚认、筠枝斑泪。留仙家萼绿，平章九峰寒翠。

### 望湘人·癸卯秋分后一日登南岳

叹环湘九面，依楚一襟，至今长镇南土。石廩筛烟，祝融幻雾。占断开云佳处。洞锁朱陵，简荒苍水，仙缘无据。倩远天、回雁成书，代写人间幽绪。

慵问江湖去路。放狂踪狷迹，莫煨残芋。信骚骨堪禁，七十二峰清苦。鸾辇送日，凤箫催露。想见元君飞度。太古梦、泻出松阴，万顷秋岚低护。

焦志强

### 浣溪沙

老去春风天一涯，萧条城市总堪嗟。尘声渐觉黯输蛙。

饱腹生平何草草，可心事业只些些。有人微雨卖荷花。

### 浣溪沙

掷筮何堪卜此生，终年一例并鸠形。倏然尘事可怜轻。

但与人唯共好好，最无益是说明明。虚期腐草化光萤。

徐国栋

### 长相思慢·记梦

燕字寻常，清河缱绻，云雨栖散春程。从来水榭著梦，蓝桥携手，比拟深情。逆旅州城，为谁春依旧，认作深盟。尚醉如醒。忍凝眸，旧日清明。

自踪迹红尘，忘却天涯路远，江海纵横。淮南蜀地，不解同心，梦也盈盈。经逢柳岸，又和烟，幻化阴晴。有桃花，芳草时节，年年忆向春生。

符鼎

### 正月十三日游岳麓山

人间春自苦深寒，况入山中雪迹残。欲触微云湘浦近，从前野鹤古泉澜。百年生死悲难挽，半壁东南泪不干。斜径荒亭新草木，顿然英气复登坛。

### 正月十四日游洋湖公园

人间春自苦深寒，鸟雀何枝栖息安。去矣江湖千里老，萧然物候一时看。莫寻昨日梅成泪，恐是东风力已阑。清游如此情难却，蒹葭洲渚客盘桓。

田育珍

### 玉楼春两首

#### 其一

向晚疏香飞鬓角。笑捻枝花生罔觉。灯前三五少年人，眼底光阴谁可握。

倾倒玉山春寂寞。饮罢身轻如野鹤。水波流月杳然新，一路空明衣尽濯。

#### 其二

归去人歌淇竹绿。桥下漪痕花馥馥。畴昔春色尚如暄，飞电露华随快瀑。

觉此襟前愁渐伏。乐莫乐兮杯盏足。岂无凉夜供嬉娱，一笑筵中曾饱腹。

李辛楣

### 满江红·登虎丘云岩寺

石塔东倾，诚低首，参闻佛旨。檐角下，白梅俱冷，古松独翠。天女曾挥香国雨，夜深顽石生微喜。有灵峰，鸾凤举双翎，天风起。

摩崖字，须一醉。浑未忘，吴王事。是清凉世界，不能淘洗。此地何妨森剑气，丈夫犹有桑弧志。算古来，人世只纷纷，风云辈。

李少微

贺新郎·甲辰戊月归湘试在船山书院傍追  
及梦仙旧游事乃赋之

屏里湖山好。甚重寻、岚烟松影，恨宽眉小。寒燕飞回人何在，一曲凉波暗绕。沉寂处、古城春晓。君意天南吾天北，但飘零、那复桃源道。心犹似，长亭草。

十年青眼因尘老。最耽是、翠外閒云，故人清抱。白玉楼空今无主，满地落花谁扫。怕去后、梦魂都杳。寂寞鱼龙幽潜夜，更银箫、吹碧成愁袅。声已断，知音少。

伤春曲

花尽难为买岁钱，东风移种在瑶天。  
竹枝未唱先垂泪，春病囚人到甚年。

李仁杰

有感

桥苔翠涨野池春，十一年前送别人。  
不见灵眸清欲滴，看花都似雨中身。

昭君怨·梅花

独被冰绡枝杪，枝上雪痕清皎。何必入红尘，不宜春。

暗馥著人幽忆，照月一天寒碧。家在白云乡，久凝望。

赵越起

寿楼春·悼梦仙

邀谁开芳樽。忆青羊殿里，悽绝词人。漫说飘零身世，肯同王孙。扶醉向、丹墀巡。化鹤看，尧年寒氛。怅月下盟鸥，梅边埋玉，凭吊一江春。

生如寄，愁斜曛。记擎灯瘞梦，沽酒销魂。吹彻云端残曲，广陵重闻。今不见，壶中存。剩短碑、消磨红尘。甚遗事模糊，空余故垆留泪痕。

陈玄之

南乡子·夜雪

露坐已多时。摩眼春云淡荡吹。一夜乱楼当笠白，何其。天线黏苔亚日低。

细雪拂窗枝。咫尺香痕洩指垂。街履渐如铅字淡，初晞。小倦将书就枕欹。

念奴娇

湖亭石榻，占鸥波聚处，萧萧香雪。淡坐都忘风鬓冷，夜涨市潮重瞥。柳带疏星，藻嫌鱼梦，机语无分别。向时微笑，水枝灯颯明灭。

偶学屈子搴芳，涉江见月，始觉秋眸阔。丝竹屏除人入晋，云履尘嚣殊绝。废雨谈经，孤游度日，万虑归来歇。鸟痕栖去，松声敲折长铗。

周 南

琐窗寒·打铁花步梦窗韵

凤柳穿楼，龙沙卧月，暮云红见。胡风递暖，忍摩笛声哀惋。转烘炉、化虚世间，梦魂火色星花展。斗沉阴软木，随阳敲上，洗神天畹。

物盼。银裳换。更占地殊方，翠莎离苑。蛮荒夜永，万点雄鸣飞晚。恁侵寻、岁时旧愁，舞光未歇惊心远。送仙韶、纵目遥空，听彻幽人怨。

六丑·杨花

又雏萍万点，弄日影、堆愁无力。梦浮翠莎，银容留信息。不问行迹。暂近迟回处，素衣尘染，是此间清客。飞樱乱下欺颜色。漫舞春园，重临短陌。流年正堪追惜。更鹃声说与，啼遍江国。

从谁相忆。向东风第宅。未几浑吹起，窗上白。生憎暮景何极。奈灯心自暗，雪纱空觅。怜微雨、可曾飘湿。榆荚共、欲管才多思永，顿时岑寂。群芳散、彻夜萧索。有谢池、化取王孙意，波痕半入。

陈江宿

状孟冬关山

一壑烟岚秋肃肃，寰中青碧渐苍黄。云生绝涧凝成雨，风到危崖结作霜。石径盘回通鸟道，松涛汹涌起龙堂。敢将俗目付天壁，峻岫披金接赤阳。

郑君赠诗有感回寄

江湖南北各风烟，欲遣幽怀付月圆。竟夜侵肌思酒力，中原极目畏诗篇。会从东海长鲸逐，想见千金宝剑悬。菊放霜天颜色好，恨无人解此间禅。

钱大鹏

乡梦

芦茂渔歌隐，云微笠泽茫。  
春归花欲尽，乡梦在壶觞。

忆江南·梁溪

江南忆，最忆是梁溪。惠麓梅香催客醉，鼋头樱色惹鹧啼。烟柳锁南堤。

邵 岳

好事近

燕子又归来，飞向寻常人舍。惆怅年时柳色，甚闲愁一把。

种花未必要花开，开也无由谢。几度风光好处，适幽怀难写。

陈麦歧

感旧二首

其一

不辨衣香却辨声，娇莺啼处眼波明。花前斗宠颦还笑，楼角偎人拒又迎。唤梦可怜皆昨夜，伤春不信到他生。

城南旧是销魂地，数遍杨枝坐晚晴。

### 其二

一念精诚讵可凭，泼天盲雨正翻盆。  
也知比翼栖难稳，况卜同心结未能。  
艳想销残花底泪，空香祷尽佛前灯。  
依然百草西川道，记得寒深百丈冰。

### 沈剑亭

#### 忆旧游·二十日过阳明山见春樱多已披谢

正浮香绕水，淡月飘阶，相助清寒。邃阁藏幽婉，记当时和泪，写上吟笺。乱红渐积春恨，开落两无言。想芳草行处，玉人睡里，总是愁端。

长怜。便归去，念十丈软尘，双袖轻烟。漫拟明春约，又商量未准，怀抱强宽。旧园换尽歌舞，云水各凄然。待梦后重寻，一帘疏雨听杜鹃。

### 王也璋

#### 木兰花慢

己亥冬月余至奈良唐招提寺，见鉴真造像栩栩如生，五重塔遗迹荒苔斑驳，今感其事，恍然有作。

又袈衣霁雨，古枫冷，晚云稠。对松籁清泠，苔痕寂历，何意淹留。怀忧。但从初愿，似年时、障海入禅舟。龙象遗藏殿壁，一僧敛定空眸。

瀛洲。宿业已收。飘素蕊、掩青丘。算玉磬声消，红桑劫换，前事都休。悠悠。怅飞锡远，更烽烟暗锁几春秋。唯念山川异域，

月心分照经楼。

### 天香

庚子岁末琉球观鲸，小艇激浪，巨鯤嬉游，昔之无限奇景，历历在目，枵触为赋此解。

月冷珠涎，沙腥玉沫，潜虬蛰梦初起。暗麝浮星，虚楼结屿，一霎暝云千里。崩雷泄雨，都散作、碧霄清气。振鬣吐霓翳日，氤氲海平光碎。

故波倦魂归未。念鲛宫、向伊弹泪。怕有翠蓬槎影，悄搜铅水。谁代灵鯤寄语，道极北、犹存化鹏地。寓目沧溟，烟霞正紫。

### 如梦令

寒露又惊秋晚。引望高楼风满。迢递起乡心，忍听暝云归雁。凄断。凄断。山外夕阳红遍。

### 如梦令

又是送秋时候。云护晓窗寒透。万里未归人，犹见月痕如旧。倏恹。倏恹。淡了满天星宿。

### 许润秋

#### 山花子

填海车流路亦宽，悲欣暂忘有时难。人伫报亭冲雨外，且前看。

渐少诗心如夜死，况多事味类星繁。萧索市灯秋梦里，各阑珊。

## 龙溪诗社诗词选

龙溪诗社成立于1985年5月。诗社成立以来，已出版《龙溪诗词》计24集，《龙溪诗讯》计42集，各种专刊60余版。2018年被湖南省诗词协会评为“全省先进诗词楹联组织”。龙溪诗社现有社员1092人，现任社长吴必荣。

吴必荣

### 李树龙塘

一村大树越千年，载史传奇接九天。  
满寨花阶留古迹，冲霄酒气迓新贤。  
谈书习武成良俗，创业兴家有盛篇。  
龙聚龙塘山水秀，星光常灿月常圆。

### 中寨情

心牵桑梓地，魂系故乡云。  
飘泊常念祖，萧疏难忘根。  
石亭浮望眼，古寨赏奇文。  
雅俗情深远，千秋不可分。

### 龙溪河

融星纳月放吟哦，浪在心中涌碧波。  
燕鹤纷飞徊柳岸，鱼虾随意戏城河。  
象山垂象威名远，狮石成狮美誉多。  
混沌天开龙故事，江涛泛酒庆云和。

姚祖学

### 新晃城吟

群楼傍水衬山青，两岸人家入画屏。  
归鹭残阳升夜幕，一城灯火一江星。

### 新晃燕来寺

红颜建寺燕围重，威武朝南立浩空。  
香火烟寮生梵意，磬钟声绕起禅风。  
群山悟法皆皈北，澧水传经直向东。  
石级千阶勤礼佛，慈航长渡善心中。

### 波州江口新村桂花岛风光二首

#### 其一

千重绿树万重花，尽入蓬莱岛上家。  
人在高楼楼在水，清江红鲤戏云霞。

#### 其二

西湖气象洞庭风，烟渚人家梵境中。  
船泊车归灯火夜，一江回照绿还红。

### 老家文祥

一湾一户自成村，翠竹苍松锁院门。  
来客不知山有寨，炊烟认作岭头云。

### 癸卯初夏重返老屋场

闲来重访梦中家，屋舍无存野草斜。  
路口石榴开一树，香红还是旧时花。

陈天恩

### 米贝阿界村

路转莺啼过万峰，山浮云髻瀑悬空。  
人家住在春风里，映水桃花处处红。

### 新寨坝坪哨喜作

山外重峦老寨围，云霞万缕槛前飞。  
且抓一把藏归去，裁剪为妻作锦衣。

### 过科赖村有作

翠掩云遮画里行，溪流汨汨树啼莺。  
而今得意谁如我，一路峰峦列队迎。

### 城郊趣拾

烟浮云绕夜郎西，叠翠峰峦城廓依。  
最爱三春杨柳岸，浓阴深处听莺啼。

### 过石马溪村

傍渚临溪石径悠，苍松翠竹簇高楼。  
菊香阵阵篱边出，画里行人未觉秋。

杨天佑

### 新晃城北风光带

徐行胜境意怡然，处处风光豁眼前。  
立岸亭台山砌玉，沿堤花草树堆烟。  
鼓楼赏景三分醉，溇水飞虹七彩悬。  
古邑夜郎开画卷，明珠璀璨耀湘边。

镇江阁

苍松翠阁镇江头，俯瞰龙溪沉与浮。  
昔日谪仙留雅韵，诗情常引月登楼。

### 新晃城北风光

江畔蒹葭水上舟，鹭鸥三五尽情游。  
山城霞灿烟波里，一掉渔歌随暮收。

姚寒俊

### 乡梦

人在天涯路，故乡入梦中。  
山高云舞岫，林静鸟鸣空。  
逐笑山溪水，追歌田野风。  
夕烟飘绕处，黄犬吠顽童。

### 永遇乐·溇水河

辗转千寻，黔山湘岭，一笑而去。直下  
长江，楚天吴地，未敢轻留驻。繁华过尽，  
沧桑只作，几点晨钟暮鼓。谁知我、平生所  
向，是碧海云生处。

子休笑我，轻言高远，忘却故人乡路。  
云嶂五溪，夜郎明月，念念频回顾。木楼歌  
晚，子规啼断，多少梦中心语。它朝化、还  
乡夜雨，红花绿树。

### 捣练子·乡村留守老人

头上雪，桌边霜。半碗村醪酌月光。故  
旧已眠荒草冢，子孙无奈在南方。

### 采桑子·回家

秋风秋雨秋山静，陌上黄花，篱畔黄花，  
炊烟起处旧时家。

小桥萧瑟小河瘦，不在天涯，却叹天涯，  
原来无奈是年华。

吴日金

### 壬寅年家乡旱情

晴雨不匀民受磨，源泉枯竭断江河。  
山中更叹千年树，一岁无情死许多。

### 荒山芒花

年少青青亦白头，随风操控晃悠悠。  
既无人世烦和恼，何必来添一段愁？

### 山村风景如画

冬枯春发夏成荫，四季轮回浮与沉。  
一幅简单山水画，古来描绘到如今。

姚林生

### 禾滩医院住院见闻

九十将临佝偻身，端汤送饭侍夫人。  
相濡以沫情如海，苦共甘同义万钧。

李光荣

### 夜郎谷纪游

夜郎谷秀好山川，世外桃源风物妍。  
瀑布深潭翻碧浪，险峰幽壑冒青烟。  
晶宫洞展千张画，绝壁崖开一线天。  
避暑休闲来此地，远离尘俗做神仙。

杨昌坤

### 咏梅

立志生存在野郊，迎冬斗艳显妖娆。  
洁贞高雅千年贵，美丽纯真一代娇。  
三友寒中暄伴侣，四君群里绽风骚。  
百花未放争先放，笑傲山川敢自豪。

吴仁海

### 故乡八世诗

青山绿水好闲游，感慨家乡变化稠。  
煮饭全凭新电器，耕田不用老黄牛。  
手持电话通千里，家有轿车行九州。  
往事依稀浑似梦，酒中无改是乡愁。

姚源淦

### 梅

雪魄冰魂玉汝成，虬枝瘦骨傍崖生。  
寒风料峭传春信，疏影孤芳伴月明。

### 菊

仪态悠然不附时，玉成五柳遣怀诗。  
英华一任群芳妒，宜向寒秋立傲姿。

姜庆勋

### 竹兼和茂如兄

夏雨春风秀色妍，常居谷岭伴神仙。  
欺身冻雪折无惧，落叶严霜傲亦坚。  
寒岁松梅成好友，新篁绿翠袅云烟。  
骚家墨客毫中景，亮节虚心立地天。

曾 健

### 游丁字坳民俗文化村

山谷含烟色更新，穿林黄雀语频频。  
杜鹃不解游人意，偏向枝头噪晚春。

杨顺如

### 乡愁

袅袅炊烟吊脚楼，青山隐隐枕溪流。  
村前那棵歪槐树，历尽沧桑几度秋。

### 深山农舍

粉墙别墅远嚣尘，锦树红云喜作邻。  
乐善主家留客叙，炉膛火暖到清晨。

蒲美松

### 向家地荷花

一地荷花映日红，无穷碧叶画图中。  
蛙声阵阵歌仙境，无限风光醉意浓。

### 沁园春·颂步头降苗族乡

锦绣苗乡，林海茫茫，沐浴艳阳。看青山耸翠，铺开画卷；改革开放，谱写诗章。  
节日浓妆，空前盛况，道路蜿蜒连四方。高歌唱，颂丰功伟绩，世代留芳。

欣逢政惠农桑，引无数农民奔小康。共励精图治，坚持科教；调活机构，百业飘香。  
律键声清，神驰愿往。无限风光耀西湘。新程迈，乘东风快上，再创辉煌。

姚茂如

### 咏雪

茫茫大地白花飘，树裹银苔竹弯腰。  
漫撒庭前妆院宇，悠溶旷野润新苗。  
只知塞北冬还在，可晓江南春已潮。  
浩月难齐其靓丽，骄阳映照更妖娆。

### 中秋寄台胞

两岸同宗骨肉香，每逢佳节倍牵肠。  
常思无尽情悠远，有梦难圆路漫长。  
雾霭层层遮不住，炎黄脉脉岂能忘。  
何时补得金瓯缺，俎豆台前对月觞。

杨瑞钦

### 重游新晃镇江阁

心事年来无寄处，如今重上镇江阁。  
轻交玉盏惊明月，偷看新城醉素娥。  
绿蟒含珠贪灏水，青狮得志啸银河。  
堪惜此境难圆梦，再世乾隆嫉妒多。

秦子平

### 老人乐

神州十亿最风流，一扫贫穷赞未休。  
无虑无忧无限乐，有钱有酒有豪楼。  
跨洋过海成群队，游水观山亚美欧。  
枯木逢春春不老，挥毫墨舞写春秋。

## 特稿

# 湖南省诗协女工委成立五周年贺诗选

张梅琴

### 好事近·贺湖南女工委成立五周年

湘楚聚琼芳，五载嚶鸣情切。妙笔绘成佳景，雅韵香书页。

才华尽显志轩昂，同心创高绝。有待未来如画，再书新章阙。

吴兰卿

### 浣溪沙·贺湖南女工委成立五周年

五载耕耘播种忙，喜看雨后现霓裳，芊芊巧手酿琼浆。

且任挥毫留快愜，由凭泼墨纵疏狂，诗潮涌起满潇湘。

张丽荣

### 湖南第二届女子诗词论坛暨

### 女工委成立五周年致贺

洞庭湖畔啸吟长，菊蕊芙蓉沐日光。

五载风华皆入画，三江韵味尽流芳。

点评常动修纤指，甘苦频牵赤热肠。

有幸我交巾帼友，诸多才媛在潇湘。

彭凤霞

### 贺湖南诗词女工委成立五周年

五载风华串作珠，洞庭南北唤诗奴。

今闻女史潇湘宴，佐以江花敬一壶。

董万英

### 贺湖南省诗协女工委成立五周年

恰如征雁向南空，红袖倾觞叶正红。

唱和田园珠玉美，行吟山水岁华丰。

四时频寄情无限，五载曾题花万丛。

自古洞庭多秀色，潇湘才女孰能同。

文雯

### 水调歌头·贺湖南省女工委成立五周年

楚地多才女，五载韵悠扬。湘江波映秋月，诗意自流芳。笔底清风袅袅，纸上云霞灿灿，墨染锦华章。婉约如春水，豪放若秋霜。

歌远志，书雅意，绽光芒。初心不改，经年逐梦路长长。且喜芙蓉国里，今日佳人欢聚，诗赋满兰堂。来贺今朝事，明日更辉煌。

蔡建和

### 贺湖南诗词协会女子工委成立五周年

盛时诗苑百花娇，半是娥眉心血浇。

风正帆悬呼丽句，三湘吟女赶头潮。

彭崇谷

贺湖南女诗人协会建立五周年

五载芳龄实可骄，惟知情愫赴诗涛。  
誉声北上三千里，欲与易安一比高。

周成村

湘女工委志庆

开枝繁茂五周年，灼灼诗华带玉颜。  
秋菊红梅新景色，再著中华锦绣篇。

罗建平

省诗协女工委成立五周年有记

五载诗声动地来，江山丽景匠心裁。  
试看明日女儿梦，种得春花四季开。

李文勇

【黄钟昼·夜乐】贺省诗协女工委五周年

鹊起潇湘万紫间，当先。当先者、风雨  
无拦。仅五载、眉舒翅展，歌声袅袅鳌头占。  
一排排、四水婵娟，把手牵。暮雨晨烟，暮  
雨晨烟，冷冷纸，红红面。【幺篇】并肩并  
肩（把）喜气添。单弦、和弦，同台奏、曲  
赋诗联。更喜这、临窗桂子，香飘五更不肯  
还。霞光里、绿水青山。策马扬鞭，策马扬  
鞭，曲不断，诗成串。

郑瓦卡

贺湖南省诗协女工委五周年庆典

五载耕耘花正红，全凭素手巧心功。  
如今诗苑绣新锦，湘女豪情唱大风。

王罗方

采桑子·贺湖南诗协女工委成立五周年

骚坛女帜无边好，见是潇湘，正是潇湘，  
五岁风华乐未央。

吟酬谁道涛笺小，诗也昭彰，曲也昭彰，  
总赖柔情育太茫。

禹丽娟

【中吕·十二月带尧民歌】

贺湖南省诗词协会女工委成立五周年

也有那新人入场，也有咱老将行腔。常  
可见微刊酷爽，更还知活动繁忙。回眸处英  
明领航，赞叹中誉满潇湘。【带】知名女队  
响当当，奖项齐天浩茫茫。五年多少汗如浆，  
一梦依然恣无妨。今番又昂扬启程向远方，  
明朝再齐齐整整把胜利歌儿唱。

罗胜前

临江仙·贺湖南诗协女工委五周年

杨柳依依斑竹泪，潇湘自古多情。秋风  
秋雨淬群英。锦心连北斗，剑胆壮龙庭。

结社五年诗万首，百花争艳兰亭。亦歌  
亦舞九皋鸣。男儿频侧目，意下已相倾。

丁建荣

贺湖南省诗协女工委成立五周年

自古湖湘尽是诗，芙蓉出水亮芳姿。  
三更播种寄情远，五载耕耘欲语迟。  
品蕴冰心催雅化，辞藏秀气味相知。  
金声玉振花千树，正是春潮涌动时。

郑 人

**蝶恋花·贺湖南女诗工委五周年**

五载诗缘情韵绕。女子诗坛，风采人称妙。雅句清词歌岁好，潇湘处处诗香袅。

再启新程光更耀。国粹传承，携手同欢笑。更上层楼情未了，诗心永伴春光俏。

皮元珍

**贺湖南省诗协女工委成立五周年**

树蕙滋兰五载畋，泽灵毓秀集群贤。  
歌吟不逊须眉色，唱和犹弹婉约弦。  
描凤雕龙呈雅韵，斟词酌句谱新篇。  
层楼更上江流远，巾帼红霞壮楚天。

陈秋红

**贺省诗协女工委成立五周年**

自古潇湘多女神，吟风岂是等闲人。  
兰篇字字烟云起，雅韵声声珠玉匀。  
咏絮常临川与岳，探骊每误夕和晨。  
芸窗五载家邦颂。放眼诗乡万斛春。

马万里

**满庭芳·贺湖南省诗协女工委成立五周年**

湘水欢歌，麓山含笑，星城同庆芳辰。  
五年风雨，诗韵满乾坤。多少才贤女子，挥妙笔、墨染春云。佳篇著，唐风宋雅，唱响了凡尘。

清词如美玉，空灵英逸，气势雄浑。颂山河，咏怀世事纷纭。更有柔情万缕，书心底、婉约精真。期来日，繁花似锦，谱写丽章新。

王振远

**【中吕·喜春来】省诗协女工委五周年贺**

凭窗爱把莺声逗，对镜还教月色羞。开怀且放大江流。曾记否，诗唱几春秋。

胡 晖

**湖南诗协女工委五周年贺**

笔底流泉声隐约，伊人遥想春衫薄。  
何当一应入群来，今日汇成交响乐。

罗小玲

**湖南第二届女子诗词论坛暨  
省诗协女工委成立五周年庆典**

清风终待桂开初，众悟芳香秋意如。  
一族扫眉删俗虑，诗文结处有丛书。

郭再仙

**卜算子·新时代女性**

十月应钟风，敲响吟坛鼓。湘女情多才亦多，时代新章谱。

自信又从容，吃得甜和苦。能画能诗能作文，能把天撑住。

赵湘莲

**贺湖南省诗词学会女工委成立五周年庆典**

今日相逢喜气洋，文山墨海任徜徉。  
缠绵意境江河美，婉约诗书韵律芳。  
妙句频频惊四座，佳词屡屡入雄章。  
耕耘不悔毫笺路，明月清风共举觞。

韩佑君

临江仙·贺湖南省诗词协会  
女工委五周年庆典

金桂飘香霜叶美，谁吟南国风光。楹联  
五载颂华章。锦霞浮岳麓，金缕唱湘江。  
淡墨浓书情万丈，芙蓉诗韵飞扬。星城  
才女任疏狂。众芳抒画卷，一笑寄诗香。

徐德纯

参加省诗协女工诗委成立五周年庆典有感

五载吟坛一帜开，潇湘璀璨涌新才。  
冬阳献媚晴云远，园菊流香雅士呆。  
袖拂风光歌朗咏，身沾福气喜无猜。  
顺风楼里群英汇，期许新丰寄梦来。

王延杏

【正宫·小梁州】贺省诗协  
女工委成立五周年

三湘四水沐芙蓉，巾帼英雄。五年砥砺  
慨从容。惊圆梦，曲苑建奇功。【么】贤才  
俊彦霞光迸，国学传授守初衷。驭惠风，看  
金凤，须眉毋让，但见玉颜红。

刘莲珍

贺湖南省诗协女工委成立五周年

沁芳艺苑焕春光，巾帼雄才赋锦章。  
喜庆年年诗韵美，欣吟岁岁菊花黄。  
新声古调余音袅，老凤雏凰彩翼翔。  
翰默馨香弘国粹，金声玉振荡三湘。

释唯静

贺湖南省女诗工委成立五周年庆典

湖湘巾帼庆丰年，五载诗坛织锦编。  
再聚星城抒雅韵，墨香飘逸咏新笺。

向萍

摊破浣溪沙·贺省诗协女工委成立五周年

五载吟旌大稔收，砚山韵海系心舟。炼  
字遣词堪为乐，盛平讴。

苑里丽姝诗梦逐，文中锦绣古今求。更  
上层楼呼日月，竞风流。

童丽君

鹧鸪天·贺湖南女工委成立五周年

学海飞舟起远航，群英荟萃誉潇湘。笔  
书雅韵千般趣，诗赋琼篇万缕香。

题锦句，读华章，半边天地集贤良。传  
承国粹金钗炫，砥砺芳华盛誉扬。

杜爱秀

【越调·小桃红】贺湖南省诗协  
女工委五周年庆典

芳龄才满五周年，锦句千千万。颂古歌  
今女中范，胜儿男，词精律雅唐诗绚。芙蓉  
国里，良辰欢度，盛况史无前。

汤凤英

省诗协女工委成立五周年有感

深秋木叶落萧萧，雁去云闲涨寂寥。  
橘绿橙黄何处是，香笺咏絮最妖娆。

# 云霞巧夺制华装，风雨卅年清誉扬

## ——走进忘不了服饰采风作品集

蔡建和

### 赠忘不了服饰罗美元女士两首

一

罗锦不知谁漫裁，美仑美奂动尘埃。  
元君应是天宫使，自带云霞世上来。

二

云霞巧夺制华装，风雨卅年清誉扬。  
都说人人忘不了，个中辛苦与谁尝？

彭崇谷

### 题忘不了服饰

春回此地彩霞天，一缕一丝万户联。  
不忘唐皇千古句，迎来华夏泰康年。

曾昭才

### 参观忘不了服饰

天下洞庭棉质好，名都服饰誉三湘。  
匠心独具手工细，织布穿梭科技强。  
司史辉煌逢盛世，行风商道赞声扬。  
品牌引领潮流热，质伴神舟去远航。

王振远

### 题忘不了服饰

四十年前客又来，情深一往笑颜开。  
天章云锦铺陈后，剪似春风著意裁。

王罗方

### 题忘不了服饰

礼拜轩辕祖，量裁五彩衣。  
闲装勾夏梦，正服夺春晖。  
挺括随吾瘦，宽松任汝肥。  
和风吹右衽，更复贴心扉。

朱世平

### 忆江南·记忘不了公司采风话动

一

忘不了，云锦写辉煌。四十载风风雨雨，  
六名牌洒洒洋洋。为宇宙添妆。

二

忘不了，一饭报深恩。襄赞蓝天颺绮梦。  
牵情桑梓济寒贫。为况世加温。

郭红亮

### 青玉案·忘不了周年庆兼呈罗美元女士

重檐双鹊飞来喜。却似贺、周年至。同  
庆良辰欢乐事。剪云裁月，贯珠联璧，结彩  
金风里。

箏门蓝缕长相记。忘不了、当时意。  
四十载来今又是。并肩携手，新功代继，齐  
谱峥嵘气。

田军成

### 永遇乐·忘不了服饰采风兼呈罗美元女士

泅水欢歌，儒商雅聚，开心无比。研学相邀，访忘不了，做客公司里。服装行业，品牌战略，坐实三湘名企。尤今朝，关心公益，佳话四处传递。

参观服饰，感慨风韵，不乏东方之美。布料倾心，潮流引领，四十年如此。一针一线，一丝不苟，工匠精神牛矣。自然是，实业报国，风生水起。

易庆安

### 题忘不了服饰兼呈全国人大代表罗美元

一

新康巧匠敢争先，剪月裁云织锦篇。  
线引春风无限意，勿来盛世百花妍。

二

休言巾幗逊须眉，针线投缘志未移。  
好趁春潮开境界，迭经商海识机宜。  
寒梅得拟坚贞骨，大爱堪吟炫丽诗。  
四十年来风雨度，琼英簇簇壮旌麾。

### 青玉案·忘不了周年庆兼呈罗美元女士

重檐双鹊飞来喜。却似贺、周年至。同庆良辰欢乐事。剪云裁月，贯珠联璧，结彩金风里。

筓门蓝缕长相记。忘不了、当时意。四十载来今又是。并肩携手，新功代继，齐谱峥嵘气。

李意坚

### 题忘不了服饰

时人重仪表，衣着添风貌。  
男子取阳刚，女儿求窈窕。  
泅宁财富乡，厂企服装好。  
产品已名牌，商标成老号。  
青青适少年，采采宜翁媪。  
质量最秉心，剪裁皆佳料。  
为冬为夏宜，一线一针巧。  
式样与时新，款型任客找。  
业界树口碑，行情犹走俏。  
营收日见丰，公益不曾少。  
上税利国家，高薪惠家小。  
文化品中涵，情怀心上绕。  
盟交付真诚，能量倡正道。  
排头既标杆，时尚乃长效。  
是问名如何，美称忘不了。

李文勇

### 【中吕·朝天子】这服饰忘不了

一剪，一线，款款精工件。热心从不赌机缘，岂负人心盼？名利如烟，民声如燕，蛙声作管弦。早间，晚间，总把伊相看。

陈林

### 秋日参观忘不了服饰

白露正为霜，秋深天已凉。  
烟村迎上客，夏铎换新裳。  
忘不了情切，更须记路长。  
江湖车马远，整服念家乡。

罗建平

忘不了

超越时空道，人间冷暖知。  
洋装今舍弃，因汝称吾姿。

徐瑞理

【双调·庆宣和】访忘不了服饰公司

引线穿针壮气豪，势上云霄。今得诗家  
韵如潮，叫好，叫好。

【正宫·鹦鹉曲】罗美元女士印象

罗家本在农村住，却拜了裁剪师父。想  
当年几个工分，哪顾秋风麻雨。【幺】四十  
年未改初心，浪起潮头追去。喜如今名震江  
湖，算也是人生美处。

张 文

如梦令·贺忘不了成立四十周年

自古宁乡出众，大地飞来金凤。四十载  
春秋，忘不了金衫颂。圆梦。圆梦。高唱国  
歌与共。

李登奇

鹧鸪天·听忘不了罗美元董事长讲话有感

朴实语言真挚情，几多道理几人明？初  
心守得云开月，往事依稀泪洒庭。

披荆棘，拓疆城。感恩家国一同行。善  
根自有天财福，商海沉浮浑不惊。

黄忠荣

赞忘不了服饰

裁衣卅载来，依旧春风袅。  
四海美名传，人人忘不了。

周旭章

【中吕·山坡羊】赞忘不了服饰

飞人灵俏，剪刀奇妙，乡村创业头开窍。  
捕新潮，定高标，衣服唯美精材料，走秀中  
西都说好。衣，忘不了；人，忘不了。

龚远生

咏忘不了

品牌造就特风流，风雨兼程四十秋。  
天上神仙忘不了，牛郎织女也回眸。

刘 文

阮郎归·呈忘不了服饰与罗美元女士元基金

领头行在最前沿，风吹衣袂翩。一张一  
合扣心弦。无由魂梦牵。

忘不了，爱相连，基金号一元。一元浇  
灌百花妍。坐看泂水边。

文 雯

鹧鸪天·忘不了服饰

鬓影衣香仰望中，着装忘不了情浓。匠  
心独运添花样，玉线穿针映彩虹。

声誉响，品牌崇，春来冬至尚新风。万  
民独爱光华绕，任放方舟四海通。

### 赞忘不了创始人罗董

剪月裁云逐梦长，卅年高志绣华章。  
赢来潇洒情无限，守得初心韵自芳。

刘国辉

### 清平乐·忘不了服饰采风

艳阳高照，车越城关道。践约采风忘不了，入眼景观皆妙。

湖湘服饰龙头，领航四十春秋。产品至臻至美，声名誉满神州。

周立

### 题忘不了服饰四十周年庆

最是西装忘不了，当年披挂做新郎。  
品牌好似汾河水，悠久流长盛誉扬。

文韬

### 感恩诗友忘不了采风

湘地诗贤聚此堂，儒商雅韵映秋阳。  
采风妙笔书情意，难忘诸君赋韵长。  
华服牵缘迎贵客，才情共舞绽芬芳。  
感恩师友存佳作，共启新程谱锦章。

段永松

### 参观忘不了服饰兼呈罗美元女士

汾江正晚秋，来觅天孙巧。  
五采动斑斓，八风惊窈窕。  
忽思创业艰，幸自谋猷早。  
未使众生寒，白头何所道。

孙炜剑

### 踏莎行·献给忘不了服饰

奉献真情，追求卓越。一针一线凝心血。  
驰名华夏美名扬，创新赢得双强列。  
稳健商筹，经营蓬勃。做强做大何曾歇。  
前行全靠领头人，为民报国昭明月。

彭灸煜

### 题忘不了

搏涛商海铸辉煌，卅载争先美誉扬。  
时尚至今忘不了，风姿尽显耀荣光。

刘绮国

### 【双调·水仙子】爱忘不了

和风丽日放情怀，壮志拿云妙手裁，新潮创意惊商界。初心从未改，青云直上台阶。  
中华范，特制材。嘻！世界名牌。

谢子中

### 赠罗美元女士

情怡三不忘，事业上层楼。  
苦乐心能定，殷勤志可酬。  
助人圆好梦，积善化春流。  
唯美卅年里，声名出九州。

## 齐白石诞辰160周年 暨龙山诗社成立130周年诗稿

罗建平

### 贺龙山诗社成立一百三十周年

古刹庄严祥瑞紫，五龙山上久嚶鸣。  
当年七子豪吟地，古社诗幡屡复擎。

赵志超

### 纪念龙山诗社成立一百三十周年

龙山结社百年前，七子才情映楚天。  
诗写性灵银杏在，人师造化玉泉连。  
晨钟暮鼓千秋寺，墨韵书香万里烟。  
煮酒登高吟胜景，助推文旅赋新篇。

龚远生

### 齐白石故居感赋

星斗塘波绿，杏花村酒醇。  
云疑观画客，月似听诗人。  
郁郁幽篁茂，亭亭欂櫨春。  
清风吹处爽，山水有精神。

陈湘衡

### 夜宿大杰寺随诸大德早课

钟鼓醒残梦，僧家早课催。  
五更朝宝殿，七彩绕高台。  
梵语应谁肃，禅心极世哀。  
我胸先振起，天放曙光来。

罗小玲

### 齐白石诞辰 160 周年暨

### 龙山诗社成立 130 周年庆典

杏黄开圣地，禅意满盈秋。  
欲取诗千顷，风华一处留。

胡 晖

### 纪念齐白石诞辰 160 周年暨

### 龙山诗社成立 130 周年

五龙山下人称杰，百砺诗心久愈荣。  
可纳须弥于芥子，故修禅意慰平生。  
湖湘澹荡风云在，花叶婆娑虫鸟鸣。  
莫道塘间虾蟹小，曾教一夜动京城。

### 甲辰秋日宿大杰寺

来寻清净里，紫霭笼村墟。  
风拂襟尘去，云舒俗虑除。  
檐铃余梵响，暮鼓释真如。  
未肯高声语，菩提树下居。

释唯静

### 纪念齐白石诞辰 160 周年

白石名扬四海间，时逢华诞庆嘉年。  
墨香飘逸传千古，笔妙传奇绘万山。  
花鸟虫鱼皆入画，瓜藤虾蟹亦成篇。  
宗师百世留风范，艺术诗魂耀九天。

刘建铁

**纪念齐白石诞辰 160 周年暨**

**龙山诗社成立 130 周年庆典**

参禅悟道沐金阳，银杏秋华感佛光。  
广照层林环宝刹，诚邀胜友纪齐潢。  
文宗七子传诗社，史册黎师表篆章。  
漫饮龙泉千岁井，精神一抖韵悠长。

刘安定

**白石老人诞辰 160 周年暨**

**龙山诗社成立 130 周年**

百十年间一瞬存，每来萧寺吊诗魂。  
如何造化钟潭邑，总见丹青爱佛门。  
星斗塘前烟火色，五龙山上鸟虫痕。  
京华回望乡关路，此处分明大匠根。

李宁路

**贺龙山诗社成立一百三十周年**

七子高风何处寻，五龙山上百年心。  
梵音响彻应知意，一脉斯文举世钦。

谢 燕

**题白石虾画谨以纪念齐白石大师**

**诞辰 160 周年**

水墨洒开笔底春，清风纸上好宜人。  
浅波浮动小虾闹，钓得童心一段真。

徐湘萍

**白石大师**

星塘一代文星出，丹墨诗词耀艺坛。  
花鸟虫虾生纸上，人间万象四时欢。

刘 杰

**谒五龙山大杰寺**

龙山昭大杰，佛国感恩深。  
七子传藜火，湖湘徙上林。  
欲回三户意，来作越人吟。  
钟磬留余响，相存沮溺心。

张新果

**贺龙山诗社成立一百三十周年。**

不亚竹林称七贤，弘扬国粹百多年。  
弥坚历久蜚声远，湘水云霄万里天。

村 夫

**题齐白石诞生 160 周年**

**龙山诗社成立 130 周年庆典**

结社龙山聚七贤，驰怀言志乐无边。  
携来宋韵滋乡土，拾得唐风送晚烟。  
只道多情吟咏处，每于一醉唱酬篇。  
百年盛事诚邀约，际会文坛别有天。

王青松

**纪念龙山诗社成立 130 周年**

龙山结社聚知音，七子沉迷诗与琴。  
志趣相投精艺术，名声流转到而今。

赵子军

**贺齐白石诞辰 160 周年暨**

**龙山诗社成立 130 周年庆典**

白石诞辰龙社庆，群贤毕至乐陶陶。  
华筵雅韵传千古，艺海精魂耀九霄。

卢成咏

**贺齐白石诞生 160 周年暨**

**龙山诗社成立 130 周年**

屹立丰碑仰未休，欢腾庆典动高秋。  
学诗木匠存佳话，挥笔丹青有旧游。  
卓尔龙山尊社长，铿然白石拔头筹。  
宗师绝代家园里，蔚起人文第一流。

王红专

**热烈祝贺龙山诗社 130 周年大典**

古寺名山集大贤，龙泉学脉诞诗仙。  
释儒播道怀家国，韵律清修礼佛禅。  
百载传承欣后秀，春秋雨露育新妍。  
潭州盛日和风惠，俊杰云臻咏楚篇。

董庆国

**贺龙山诗社诞辰一百三十周年**

龙山诗社远名扬，百卅流年映瑞光。  
寺阁书笺邀俊友，贤才奋笔绘春阳。  
唐风宋律幽香继，古调新声逸韵长。  
恰遇嘉辰频把酒，云程万里志高翔。

王杰成

**纪念齐白石诞辰 160 周年暨**

**龙山诗社成立 130 周年**

花鸟虫鱼意兴长，诗文金石最当行。  
三千桃李随心赏，七子龙山放眼量。  
墨韵已翻新世纪，口碑犹诵旧时章。  
寻幽溯古怀先哲，雅迹昭昭未可忘。

妙 辉

**依韵和白石老人诗**

雨馀紺宇岚烟出，风阁听铃思浩然。  
一窠潺湲传梵语，五龙偃蹇引高贤。  
文情入画千般韵，结社吟盟七子缘。  
白石莹莹禅草绿，诗坛逸兴薄云天。

陈楚庭

**纪念齐白石大师诞辰 160 周年**

诗书画印大赢家，举世尊攀竞放花。  
南国勤工储底蕴，京华焕发耀奇葩。  
衰年法变添灵性，老道神来醉晚霞。  
冥诞缅怀歌不尽，弘扬文化学无涯。

谢建平

**纪念龙山诗社成立 130 周年**

五峰婉曲龙山寺，斗拱飞檐诗意浓。  
百卅春秋人物颖，七贤浪侗典章恭。  
齐公傲世丰碑立，唯静承家古刹彤。  
印篆墨香书画汇，讴歌华夏彩虹容。

周坚桥

**白石老人 160 岁诞辰观齐白石画展**

香从稻穗到灵台，岁月霾随蛙鼓开。  
童梦如蚕轻破茧，故乡风物扑人来。

唐蔚琦

**观白石老人虾趣图**

泼墨挥毫意纵横，一泓奇趣妙中生。  
凝神不问桑麻事，在听游虾钳水声。

彭柏槐

### 龙山诗社 130 周年庆

五龙结社正华年，几代弘扬别有天。  
忧乐长萦从不辍，释儒共仰却超前。  
一方净土鸣三楚，百载殊荣慰七贤。  
后哲有才承曩哲，诗词情与国民牵。

刘敏

### 纪念白石老人诞辰 160 周年

白石平生擅画虾，池边静坐细思遐。  
寥寥数笔须微动，宛似精灵纸上爬。

谭淑芳

### 贺龙山诗社成立 130 周年

结社龙山啸，齐璜七子贤。  
吟诗惊远岫，弹瑟悦清泉。  
寺静梵音绕，蒲圆雅韵传。  
青山依旧在，醉听大师禅。

张菊松

### 纪念大师齐白石诞辰 160 周年

雕花木匠出乡关，一代宗师耀世间。  
风骨长存桑梓地，鱼虾戏水誉人寰。

陈敬坤

### 纪念龙山诗社一百三十周年

龙山曾劾竹林游，回首百年三十秋。  
唯许文章酬挚友，不将笔墨媚王侯。  
敢弹锦瑟悲燕士，耻泣新亭作楚囚。  
任是红羊劫难后，至今仍唱旧风流。

文姣平

### 谒湘潭齐白石故居

绿风老树土砖房，依傍荷池星斗塘。  
似有游虾猜出处，横生笑意说齐璜。

易光荣

### 纪念龙山诗社结社 130 周年

龙山结社聚高贤，七子长留不朽篇。  
泼墨诗联书画印，花香四海久相传。

陈先进

### 纪念齐白石诞辰 160 周年

无限乡情神入画，悠然世味趣题诗。  
绘声绘色融佳境，四海名扬尊大师。

崔良琳

### 题龙山诗社成立 130 周年

结社乡中聚七贤，人文鼎盛百余年。  
惊奇不绝长歌处，足见龙山别有天。

周伟

### 咏画坛巨匠齐白石

山冲小小刻花人，满纸鲜虾动四邻。  
北上都城惊世界，依然本色是农民。

赵壮华

### 贺龙山诗社成立 130 周年

不觉风流百卅辰，何妨墨韵又争春。  
齐门得意龙山社，妙笔生花白石人。

唐新明

### 赞齐白石书画

韵味深沉意在形，松烟笔底绘丹青。  
群虾入纸骄横气，一代宗师画有灵。

廖育芳

### 贺龙山诗社成立 130 周年

袅袅梵音可净心，禅茶一盏共高吟。  
当年七子结成社，不辍弦歌传至今。

熊伯光

### 鹧鸪天·龙山诗社建社 130 周年 有怀白石大师

几度曾经风雨侵，弦歌不辍绕丛林。韵  
随法鼓扬禅意，缘结灵山启佛心。

抒己志，作豪吟，品之尤似沐春霖。大  
师妙笔凭谁续，更奏辉煌时代音。

唐天宝

### 庆祝齐白石大师 160 周年

木匠胸中万物藏，横才初露岂星塘。  
诗书不惧三湘客，画印荣登九域堂。  
意象雄鸡彰赤县，嬉娱小蟹斥东洋。  
来从白石园寻觅，曾领风骚照远航。

陈志元

### 纪念齐白石先生诞辰 160 周年

红花墨叶自天成，活蟹长虾溪里生。  
最是卢沟烽火处，修身拒寇史留名。

赵术龙

### 甲辰夏谒五龙山大杰寺

熏风牵袖谒莲台，大杰巍峨胜景开。  
禅意缠绵环殿绕，钟声断续遏云来。  
焚香朝拜诸天佛，溯古追寻七子才。  
悟得齐璜真境界，一襟清韵画边裁。

### 龙山诗社 130 年庆

珠圆玉润百余年，耸立群峰禅意绵。  
衣钵传承摩诘句，空山悠寂语回旋。

马雄辉

### 齐白石诞辰 160 周年纪念

放牛娃起艺坛惊，名震中西画自成。  
妙笔丹青书韵雅，奇章翰墨印香清。  
虾游纸上神来笔，花绽绢心妙意生。  
四绝宗师功绩伟，流芳百世永传情。

刘亚东

### 龙山诗社成立 130 周年

五龙山寺隐林泉，结社诗坛忆往年。  
古韵今声文脉续，梵音妙曲赋新篇。

周水龙

### 未能参加龙山诗社华诞有憾

飘金杏叶衬晴云，华诞龙山客正殷。  
常忆先贤思七子，且吟雅韵赋诗文。  
羞惭自己甘慵懒，勤勉从今弄墨耘。  
但得功夫能寸进，来年大杰会诸君。

烽火新燭無痛走 疑堪黃土嶺中 鐵騎 王馬上 敵軍 盡 戰功

烽火新燭無痛走 疑堪黃土嶺中 鐵騎 王馬上 敵軍 盡 戰功

百十 苦不 舒年 藏 陳正湘 將軍 軍任 話羅 建平 撰 陳立新 女書

罗建平 《陈正湘将军佳话》 书法 / 陈立新

封面题字：周谷城

